

7 Yulin, 8 Chinfan, 9 Xetu, 10 Hantung, 11 Pinglu, 12 Mingxa, 13 Guei, 14 Sengquei. In ipso autem muro magno ab ortu in occasum sunt sequentia, 1 Semuen, 2 Kinthang, 3 Hoama, 4 Pecho, 5 Taxum, 6 Pukive aliaque nominis ac notæ minoris.

In Cancheu militari urbe Prorex sedem habet, diversus ab eo qui est in Metropoli Sigan; ibidem adsunt reliqui magistratus præcipui, quibus ex ipsa Regia tantum mandata deferri solent: munitissima est urbs contra omnes Tartarorum insultus; in ea selectissimi milites, in suas quique turmas distributi; circum urbem campus arenosus est lutei croceique coloris, rarissimæ ibi arbores aut herbæ, desertæ solitudinis Xamo pars est, illius forte quod Lop indignant Europæi Cosmographi.

*Caracatay ubi.*

Socheu etiam fortissima urbs est, in qua & gubernator, magnæ omnino auctoritatis: hæc in duas partes dividitur, alteram Sinæ, quos Turcæ ac Astracani Catayos vocant; alteram Saraceni exterique inhabitant, qui ab occiduis locis istuc negotiorum causa profecti conveniunt. inde deserti vicini nomen Caracatay, quod terram Catayensium sonat, quia etiam Sinæ hic ubique frequentes habitant. hæc inibi occurrunt rariora: Ninghia ab Holan monte ad moeniorum modum cincta, qui mons ad trecenta stadia occupat, ibidem complures sylvestres vagantur equi. in Yaocheu multum muschi colligitur. Mincheu perdicibus ac lanigeris Gallinis abundat, in Hocheu magna cannabis copia est, adhæc muschi, myrobalanorum, lignique odoriferi quod Sandalum refert.

*Montes nobiliores.*

Hiaikeu mons est ad ripam Crocei pro-

pe Ninghia, per cuius vallem arctissimam Croceus prorumpit; in ejus vertice extat turris antiquissima, quæ licet magna ex parte vetustate corruerit, adhuc tamen centum & octoginta gradus continet, miro structa opere, cum in altissimum montem cementum ac lapides subvehenda fuerint; at quod magis mirere, prope Chegan ad ripam, Fipons est de monte ad montem unico exstructus arcu, cuius longitudo quadraginta est Sinensium perticarum, hoc est quadringentorum cubitorum, altitudo vero seu perpendicularum, sub quo fluit Croceus, quinquaginta perticarum est. triennium in ejus fabricam impensum referunt, Sinæ pontem volentem haud incongruo dixere nomine.

Ad Yalin est He mons, à Tartaris pro gregium armentorumque pabulo frequentatus. multi in eo torrentes ac rivi, unde optimæ herbæ luxuries ac copia: alter, huic similis, Kilieu est ad Leangcheu, qui à Tartaris quoque frequentatur.

Ad Notolybicum Socheu ponunt Sinæ *Flumina.* mare seu lacum Cing, hoc est mare nigrum, idque centum & quinquaginta stadiorum.

Ad Ninghia duo lacus falsi sunt, major *Lacus* unus, alterque minor; in quibus natura ipsa *falsi.* obstetricante sal producitur nullo hominum accendente labore.

Jo amnis ad Cancheu est, ex re Jo Si- *Mirabilis naturæ amnis.* næ vocant, hoc enim debilem significat: quippe aquis constat adeo levibus tenuibusque ut ne paleas quidem sustinere possit; versus occasum fluit, sed quorsum usque pergat aut penetret, Sinæ non adnotant.

Ad Xancheu Húngyen lacus est, hoc est *Lacus* rubri salis, sal enim rufus hic conficitur. *re-salsus.* liqua dabunt mappæ.